

Mighty Hippy a bira Rey di Roadmarch

Mighty Talent un biaha mas Rey di Calypso



ORANJESTAD(AAN)—Durante un anochi maratónico,

Mighty Hippy pa algo pasa di siet'or mainta diadomingo, a

ser anuncia como ganador di Roadmarch Contest 2005, cu su cancion "Wok". E cancion aki for di e anochi di preliminarman a impresiona

masha hopi y tabata serconta como un di efavoritonan grandi, mescos cu e cancion di King Splash, Juanmeth Ignacio, "It's a jam session" cu a bira e cancion di sorpresa y e revelacion di e aña aki, y Run for Shelter di Kevin James. E tres cancionnan aki tabata ser considera como favoritonan di e anochi, contra e composicion di Mighty Talent "Den Dje" y esun di Lord Cachete "Wiggle" y e "Jamming in the Jailhouse" di Ofo Escudero. Ta net e cancionnan aki huradonan finalmente a escoge riba nan lista di ganadonan cu Ruben Trappenberg, Mighty Talent como Rey di Roadmarch cu "Wok" locual a ser acepta pa henter e publico. Cu Juanmeth Ignacio a termina na di dos lugar tambe tabata di acepta ya cu el a sorprende cu un cancion fuerte. Locual si a keda un pregunta pa hopi tabata con The Baron a bin termina na di tres lugar, ya cu e expectativa aki tabata tambe cu sea e lo gana o termina na di dos luga, pero e resultado

di hurado a duna di 3 lugar. Bobby Gibbs cu su Jamming in the Jailhouse a termina na di 4 lugar y Mighty Talent na di 5 lugar, locual tambe por a tende cometerio di dje, esta cu e no tabata tin un cancion ganador e aña aki.

Den tereno di calypso e bataya tabata mas fuerte yacu no tabata tin favorito specifico pa gana e tereno siendo cu ta net esnan cu tabata ser considera fuerte pa gana, a bin termina den e 5 ganadonan tambe.

Pa ora cu Oreo a presenta no por a papia ainda di un posibel ganador di Calypso, pero despues cu el apresenta su "Bite me" mes ora por a tende tur caminda cu no tin cancion pa gane y cu siguramente Mighty Talent lo titula rey di calypso, locual a sosode tambe.

Na di dos lugar a termina Antoni Gario cu "Blood Sweat and tears" locual por a spera tambe, sigui na di tres lugar pa Richard "Tatoo" Quandt cu tambe tabata un di e posibel finalistanan y a logra di 3 puesto. E "sit on this" di ofo Escudero cu fordí su prome presentacion a impacta cu e cancion aki, a bin termina na di 4 lugar, sigui pa Steeve Gibbs cu su "Child Abuse" cual cancion pa locual ta letranan tabata tin e mensahe mas limpi y bunita den e ganadonan.